

*ad N. 2947 not. 5). — 9) Pleraque supplevit de Rossi, nonnulla Seeckius. — 10) Significatur Theodosius maior. — 11) Apparet Flavianum contra Theodosii voluntatem occisum esse. — 12) Propter hos sine dubio annales Flavianus in N. 2947 appellatur historicus disertissimus. — 13) Fortasse excidit: affectionem, vel simile quid. — 14) Filius sine dubio Flaviani iunioris (cf. Seeck *praef. ad Symmachum p. 4*). Idem una cum patre partem decadis primae Liviana (cf. not. 5) emendavit. — 15) Praefectus urbi fuit inter annos 427 et 431. — 16) A. 431.*

**2949** [Cl.] Claudiani v. c. | [Cla]udio Claudio v. c., tri[bu]no et notario, inter ceteras | [de]centes<sup>1</sup> artes prae[g]loriosissimo | [po]etarum, licet ad memoriam sem[p]iternam carmina ab eodem | scripta sufficient, adtamen | testimonii gratia ob iudicij sui | [f]idem, dd. nn. Arcadius et Honorius | [fe]licissimi ac doctissimi<sup>2</sup> | imperatores senatu petente | statuam<sup>3</sup> in foro divi Trajani | erigi collocarique iusserunt.

*Eἰν ἐνὶ Βιογιλίου νόον | καὶ μοῦσαν Ὄμήρου<sup>4</sup> |  
Κλαυδίανὸν Πώμην καὶ | βασιλῆς ἔθεσαν.*

*Romae in foro Traiano, nunc Neapoli (VI 1740 vedit Mommsen). — 1) Supplevit Mommsen. — 2) Nota doctrinae laudem tributam imperatoribus in titulo qui positus est poetae. — 3) Hanc statuam memorat ipse Claudianus de bell. Poll. *praef. 7 seq.* — 4) Aequare dicitur Claudianus Homerum Vergiliumque, quia et Graeca et Latina carmina condidit (Wilamowitz ap. Kaibel ep. Gr. p. 535).*

**2950** [Fl. Merob]audi<sup>1</sup> v. s., com. s. c.<sup>2</sup> | Fl. Merobaudi aequa fortia et docto viro, tam facere | laudanda quam aliorum facta laudare praecipuo, | castrensi experientia claro, facundia vel otiosorum | studia supergresso; cui a crepundiis par virtutis et eloquentiae cura; ingenium ita fortitudini ut doctrinae | natum stilo et gladio pariter exercuit, nec in umbra | vel latebris mentis vigorem scholari tantum otio | torpere passus, inter arma litteris militabat | et in Alpibus acuebat eloquium: ideo illi cessit in prae- | mium | non verbena vilis, | nec otiosa hedera, honor capitis | Heliconius, sed imago aere formata, quo rari exempli | viros seu in castris probatos seu optimos vatum | antiquitas honorabat: quod huic quoque cum | Augustissimis Roma principibus | Theodosio et Placido Valentiniano rerum dominis | in foro Ulpio detulerunt<sup>3</sup>, remunerantes in viro | antiquae nobilitatis novae gloriae vel industriam | militarem vel carmen, cuius praeconio gloria | triumphali crevit imperio.<sup>4</sup> (*In latere*) dedicata III kal. Aug. cons. dd. nn. Theodosio XV et Valentiniano IIII.<sup>5</sup>

*Romae in foro Traiano rep. (VI 1724 descr. Bormann). — 1) Huic Merobaudi Niebuhrius tribuit reliquias carminum ex codice rescripto Sangallensi a se primum editorum. — 2) Viro spectabili, comiti sacri consistorii. — 3) Cf. quae de se praedicat auctor carminum Sangallensium (p. 9 ed. Nieb.), Aetium adloquens: ‘pro his me laudibus tuis Roma cum principe victuro aere formavit.’ (*Roma cum principibus detulerunt, minus accurate dictum*). — 4) Significatur, gloriam imperatorum auctam esse carminibus Merobaudis. — 5) A. 433.*

**2951** Fl. Magnus v. c. rhetor urbis aeternae, cui tantum ob meritum suum | detulit senatus amplissimus, ut sat idoneum iudicaret, a quo